

اللّٰهُمَّ اِنِّیْ اَعُوْذُ بِكَ مِنَ الْكُرْبِ وَالْبَلَاءِ؛

محرّمین ایکینجی گونو و حسینی کروانین کر بلا چؤلونه وارید اولماسی

61-جی هیجری ایلین محرم آیینین ایکینجی گونونده، ایمام حسین(ع) کروانی «حرّ بن یزید ریاحی» نین قوشونو ایله «کر بلا» وادیسینه وارید اولدو و بو زماندا ایمام حسین (ع) بویوردو: «اللّٰهُمَّ اِنِّیْ اَعُوْذُ بِكَ مِنَ الْكُرْبِ وَالْبَلَاءِ».

اوندان سونرا کی «حرّ بن یزید ریاحی» «عبیدالله بن زیاد»ین امری اینن «ذو حُسم» منطقه سینده ایمامین کوفه یه گنتمه سینه مانع اولدو، ایمام حسین(ع) کروانی نین حرکتی «کُزْب و بَلَاء» یه باشلاندي.

کر بلانین تاریخی چوخ قدیمیدیر و بابول لیلره چاتیر، اما کر بلانین ایسلامدان قاباقکی تاریخیندن دقیق خبر یوخدور. کر بلا بغدادین جنوب غربی نین 105 کیلومتر لیگینده دیر و کر بلا اوستانی نین مساحتی 6 مین کیلومتر دن چوخدور.

حسینی کروان، پنجشنبه گونو، 61-جی هیجری ایلین محرم آیینین ایکینجی گونونده «نینوا» چؤلونه چاتدی. بیر مؤحتلی یئر کی پیغمبر اکرم (ص) قاباقچادان خبرینی ایمام حسین(ع) وئرمیشدی.

«مجمع الزوائد» ده گلیپ کی: سوّی عالیملردن اولان «احمد بن حنبل»، پیغمبردن روایت ائدییر کی بویوردولار: «دخل علیّ البيت ملک لم یدخل علیّ قبلها فقال لی: انّ ابنک هذا - یعنی حسینا - مقتول. وان شئت اریتک من تربة الأرض الّتی یقتل بها»، فریشته لرین بیر کی ایندی جن منیم یانینما گلمه میشدی، منه وارید اولدو. منه دئدی: البتّه سنین اوغلو نو- یعنی حسینی(ع) - اولدوره جکلر و ایسته سن شهادت یئری نین توپراغین سنه نیشان وئیریم.

هابئله آیری مُتواتیر حدیثلرده ایمام حسینین(ع) شهادت خبرینی پیغمبرین دیلیندن نقل ائدییلر. بو زمینه ده آیری حدیث کیتابلاری او جمله دن الکبیر بخاری تاریخی، البداية والنهاية، اُسد الغایة، الاصابة، الخصائص الکبری، کنز العمّال و خصائص الکبری کیتابلارینا ایشاره اتمک اولار.

سید بن طاووسون «لهوف» وندا گلیپ کی ایمام حسین(ع) کروانی «موضع البلاء» یه چاتاندا، او حضرتین آتی دایاندي. ایمام او چؤلون آدین سوروشدو و جواب ائشیتدی: «غاضیه». ایمام حسین(ع) بویوردولار: بو چؤلون آیری آدی دا وار؟ دئدی: «شاطی الفرات». یئنه ایمام او چؤلون آیری آدین سوروشدو و بو دفعه جواب ائشیتدی: «کر بلا».

بو زماندا ایمام بیر آه چکیب بویوردو: «اللّٰهُمَّ اِنِّیْ اَعُوْذُ بِكَ مِنَ الْكُرْبِ وَالْبَلَاءِ».